

四庫全書

子部

欽定四庫全書

子部

記纂淵海卷三十一

詳校官中書_臣余日煥

侍讀_臣孫球覆勘

總校官降調編修_臣倉聖脉

校對官編修_臣吳裕德

謄錄監生_臣蔣厚傳

欽定四庫全書

記纂淵海卷三十一

宋 潘自牧 撰

職官部

翰苑

史學士之職本以文學言語備顧問出入侍從因得參謀議納諫諍其禮尤寵而翰林院者待詔之所也

唐志李

白天寶初至長安往見賀知章知章見其文而歎曰子謫仙人也言於玄宗召見金鑾殿論當世事奏頌一篇

有詔供奉翰林

本傳

翰林院者在麟德殿西重廊之後蓋

天下以伎術召見者之所處也學士院者開元二十六
年之所置在翰林院之南貞觀中虞世南等一十八人
皆以弘文館學士會於禁中當時號十八學士其後永
徽中黃門侍郎顧崇復有麗正之稱開元初中書令張
說等又有集仙之目玄宗始選朝官有辭藝學識者入
居翰林供奉別旨於是呂向尹愔首充焉至二十六年
始以翰林供奉改稱學士由是遂別建學士院俾專內

命至德以後軍國務殷其入直者並以文詞共掌詔勅

自此翰林院始兼學士之名其後又置東翰林院於金

鑾殿之西隨上所在而遷取其便近

翰林故事

翰林每下直

出門謂之小三昧出銀臺門上馬謂之大三昧言出纏

縛而就解脫也 學士初入院賜馬一疋謂之長借馬

登翰林者謂之凌玉清翔紫霄 初選者召令赴銀臺

試制書批答三首內庫給青綺被紫絲履之類端午賜

青團扇 貞元中由此而居輔弼者十有二焉元和中

由此而膺大用者十有六焉

翰林志

唐制駕在大內則明

福門內置學士院駕在興慶宮則金明門內置院德宗

移院於金鑾坡上

續志

路延年少自監察入翰林崔鉉曰

路十如今便入翰林如何到老

玉泉子記

集每宴飲無不先及每慶賜無不先霑中殿之馬代其

勞內厨之膳供其食

李白集

晨趨紫禁中夕待金門詔

李白

侯金閨彦

老杜贈李白

君王曉坐金鑾殿只待相如草詔來

李商隱

銀花懸院榜

李德裕

謬入金門侍玉除

苑花似雪

同隨輦宮月如眉伴直廬

白樂天

本朝太宗皇帝曰詞臣實神仙之職也玉堂東西壁悉畫水以布之風濤浩渺瀛洲之象也脩篁鵲鶴悉圖廊廡風傳禁漏月色滿庭真人世之仙境 李昉赴玉堂

賜宴詩後序云今日之盛其事七新賜衣帶鞍馬十月朔錦袍特定草麻例物改賜內庫法酒俸給見錢給親事官隨從就院敕設 玉堂後廡建二閣畫煙嵐曉景

續翰林志

太宗謂宰臣曰蘇易簡乞御飛白書玉堂之署四

字今付宰臣李昉以下喚來於中書堂面宣賜職任

之親切曹局之凝嚴禮遇優渥賜與繁縟

金坡遺事

政和五

年御書摘文堂賜學士院院中有雙鵲栖於玉堂之

後海棠樹或鳴噪必有大詔及宣召之事

續會要

學士院

牕格上有火燃處太宗嘗幸玉堂蘇易簡已寢遽起無

燭宮嬪自牕格引燭入照之至今不欲更易以為玉堂

一盛事學士院北扉者為其在浴堂之南便於應召

故事堂中設視草臺每草制則具衣冠據臺而坐

學士院第三廳學士閤堂前有一巨槐素號槐廳舊傳

居此閤者多至入相 翰林院在禁中玉堂承明金鑒

殿皆在其間

筆談

衣惹御香拖瑞錦筆宣皇澤洒春霖

李助

青輪輝映輕前古丹地深嚴隔世塵

賈黃中

日上花磚簾

捲後柳遮鈴索雨晴初

錢若水

宸章照耀詠辭林

李沆

六鼇

雲海冠蓬萊玉署深嚴枕斗魁

楊文公

翰林學士承旨

史令狐綯遷翰林學士承旨夜對禁中燭盡帝以乘輿

金蓮花炬送還院吏望見以為天子來及綯至皆驚

沈傳師為學士翰林缺承旨次當傳師穆宗欲面命辭
曰學士院長叅天子密議次於宰相自知必不能因稱
疾出常澳為承旨與同僚蕭真為宣宗器遇召見詢
訪時事每有大事中使傳宣草詞澳心欲論諫即曰此
一事須降御劄方敢施行遲留至旦必論其可否穆
宗以杜元頴多識朝章拜為中書舍人學士承旨韓
偓進承旨宰相韋貽範母喪詔還位偓當草制曰朕可

斷麻不可草

唐書

後唐明宗勅令後學士入院並以先後

為定惟承旨一員不計官資先後在學士上 同光中

賜承旨盧質論思翊佐功臣旋授節制河中鴻瀛王詩

送之曰視草北來唐學士擁旌西去漢將軍

五代史

傳記憲宗永貞元年始命鄭絪為承旨位在諸學士上

居東第一閣大誥令大廢置置相之密畫内外之密奏

上之所甚注意者莫不專受專對 自鄭絪為承旨十

七年間由鄭至杜十一人而九叅大政若此則安可以

昧陋不肖之積繼居九丞相二名節之後哉

承旨院記

鄭綱

為內廷之老首定大計

翰林志

翰林院學士六人內年深

德重者一人為承旨所以獨承密命故也貞元以後為

學士承旨者多至宰相焉

通典

集禁林分直法本六人帝語親承舊惟一老冠內朝

侍奉之班極儒者遭逢之盛承明三人謹比古人大

雅一門無慙舊史

唐制

本朝承旨不常置以院中久次者一人充

續會要

太宗賜

蘇易簡詩云翰林承旨貴清淨玉堂中
張方平為承

旨神宗親劄曰卿文章典雅煥然有三代之風而又善

以多為少意博辭寡雖書訓誥無以加也
本傳金鑒玉堂

親被絲綸之密北廳東閣獨稱年德之尊
東坡表宜還與

於禁遊且進承於密旨
表類粉署重來憶舊遊蟠桃開

盡海山秋寧知不是神仙骨上到鼇山最上頭
宋祁

翰林學士

史陸贄為學士從幸奉天時機務填委詔書數百贄揮

翰起草思如泉注初若不經思逮成皆周盡事情他學士閣筆不得下而勢沛然有餘畢誠為翰林學士党項羌擾河西宣宗召學士對誠論破羌之狀上曰不期頗牧在吾禁中柳公權為翰林學士上嘗夜召對於

亭燭窮而語未盡宮人以蠟液濡紙繼之李紳穆宗

召為學士與李德裕元稹同在禁署時稱三俊李德

裕擢翰林學士凡號令大典冊皆更其手陸扆為翰

林學士工文辭敏速若注射然昭宗嘗金鑾作賦命學

士和扆先成帝曰朕聞貞元時有陸贄吳通元能作內
廷文書今得卿斯文不墜矣北廳前階有花甎道冬
日以日影及五甎為入直之候李程性懶常過八甎乃
至衆呼為八甎學士李絳為翰林學士孜孜以正諫
為已任德宗以段文昌張仲素為學士韋貫之以為
學士所以備顧問不宜專取辭藝奏罷之韋綬為翰
林學士密政多所參逮帝嘗幸其院韋妃從會綬方寢
時大寒以妃蜀纈袍覆而去趙宗儒父驛德宗欲寵

其門使一時並命 于休烈及二子益蕭相繼為翰林

趙光逢為學士光喬知制誥兄弟對掌內外命書

劉瑑始在翰林帝素器遇至是手詔追還帝視案上歷

謂瑑曰為朕擇一今日瑑跽曰某日良帝笑曰是日卿

可遂相 杜讓能以學士從僖宗在蜀關東用兵書詔

雲委讓能詞才敏速筆無點竄動中事機僖宗嘉之

唐書

傳記唐太宗時名儒學士時名草制然猶未有名號乾

封以後始號北門學士玄宗初置翰林待詔掌四方表

疏批答應和文章繼以制敕文誥悉由中書多壅滯始
選朝官入居翰林供奉別旨然亦未定名制詔書敕猶
或分在集賢開元二十六年翰林供奉改稱學士

翰林志

選用益重而禮遇益親至號為內相又以為天子私人
晉天福五年詔翰林學士院公事宜並歸中書舍人自
是舍人畫直者當中書制夜直者當內制開運元年復
詔翰林學士與中書舍人分為兩制

職源

睿聖登極段文

昌杜元穎不離內庭便至公輔及寶厯以後韋處厚恩

深授選亦自翰林由是稍為故事或不至拜者以為深

恥

翰林內志

姚元崇為翰林學士明皇在便殿甚思元崇論

時務七月十五日苦雨泥濘上令侍御者擡步輦召學

士中外榮之李白於便殿對明皇撰詔誥時十月大

寒筆凍莫能書字帝敕宮嬪十人侍白左右令各執牙

筆呵之白遂受而書其受聖眷如此

開元遺事

李琪每臨流

坐石摘木葉試草制詞朱梁時果為翰林學士

璿言

姚洎

為學士梁祖問及裴延裕曰頗知其人思敏洎曰向在

翰林號下水船梁祖曰卿便是上水船也洎甚慚撫言偽

蜀辛寅遜夢掌中起草占者曰君必遷翰林學士未幾

果然

同上

集唐之貴文至矣哉後王纂承多以國柄付文士元和

初憲宗遵聖祖故事視有宰相器者貯之內廷由是釋

筆硯而操化權者十八九

劉禹錫李絳集記

自入為學士至宰相

相以往所執筆皆經綸制置裁成潤色之詞也以識度

為宗觀其發德音福生人沛然如時雨褒元老論功臣

穆然如景風命相之冊和而莊命將之誥昭而毅

劉賓客集

常厚集記

視草北宮

常衮制

何處春深好春來學士家鳳書裁

五色馬鬣薦三花

元和六學士五相一漁翁

白樂天

學

士金鑾殿後居天中行坐侍龍輿承恩不許離床謝密

旨長教倚案書

王建

本朝翰林學士掌內制淳化二年以翰林學士賈黃中

蘇易簡同管勾差遣院自是學士兼領他司止與職名

同元豐官制行始專典內制 乾德元年竇儀為翰林

學士太祖曰深嚴之地當以宿儒處之又曰禁中非此人不可故事學士在內中院吏朱衣雙引李昉以太宗在南衛朱衣一人前引昉亦去其一太宗謂近臣曰學士之職清切貴重非他官可比玉署之設密邇紫

闈每夜漏既上宮鑰並入有大號令大除拜邊境急奏惟天子與學士知之居是職者豈不貴重乎

金坡遺事

王旦

為翰林學士中外皆以為宰相器真宗曰為朕致太平必斯人也李迪真宗時為學士上問陝西兵幾何對

曰臣向在本道以小冊書兵馬糧草之數以備調發今猶置佩囊中帝令採取之曰不意頗牧復在吾禁中

本傳

龔宗慤一夕草除將相五制真宗作歌一首賜新除學士陳彭年因謂向敏中曰頃命學士罕曾賜歌詩

天聖元年詔學士遇雙日至晚方下直蓋故事以雙日

鎖院隻日除麻故也

實錄

非徒翰墨之選乃是將相之儲

東坡謝表

有同在翰林而大拜者王禹偁以啓賀之云三神

山上曾陪鶴駕之遊六學士中猶有漁翁之歎

廣記

直學士院權直

本朝開寶二年李昉盧多遜並直學士院直院之名始此六年張澹權直翰林院權直之名始此凡他官入院未除學士謂之直院學士俱關他官暫行文書謂之權直

直

會要

乾道九年以崔端詩為翰林權直

孝宗會要

李昉入直

翰林先是盧多遜已任學士太祖見昉在多遜下問其故宰相曰昉以本官直學士院未即真拜真拜學士在多遜之上開寶二年李文正盧相並直學士院太平

興國元年湯悅徐鉉直學士院王克正張洎直舍人院

四公皆江南文士也

退朝錄

經筵

史宣帝召韋玄成與五經諸儒雜論於石渠閣成帝

嚮學鄭寬中張禹說尚書於金華殿中詔頒白綬焉

漢書

光武好經術每朝會令桓榮敷奏經義章帝會諸儒

白虎觀講論五經同異帝好古文尚書左氏傳又詔賈

逵班固入講北宮白虎觀南宮雲臺

後漢書

太宗即位於

殿左置弘文館悉詔內學士更番直宿討論文籍 玄

宗詔羣臣及郡府舉通經學士而褚無量馬懷素等勸

講禁中天子尊禮不敢盡臣 開元十三年改麗正書

院為集賢殿書院選者儒一人侍讀以質史疑

唐書

本朝太祖置講席於便殿

聖政

仁宗天聖中雙日御筵休

務之日亦不廢 仁宗初御筵義閣每初講論或講讀

終篇則宣二府同聽賜飛白書或賜宴其後專御邇英

東齋記事 英宗詔以九月五日開講至重陽罷先是仁宗率

二月開經筵至重午罷八月復開冬至罷呂公著乞依
先帝故事上從之 哲宗詔開講筵進讀寶訓講讀日

赴資善以雙日講論仍輪一員宿直范祖禹節尚書論

語孝經訓戒之言名曰三經要法進之

行狀

高宗建炎二

年謂宰執曰故事自五月至八月罷講朕欲勿罷可乎

自是勿罷

聖政

侍讀侍講

史肅宗嘗言張輔入侍講屢有諫正可謂有史魚之風

本傳

孟侯經傳侍言帝幕

張輔贊

楊賜侍講華光殿中

本傳唐

開元三年上謂宰相曰朕每讀書有所疑滯無從質問

可選儒學之士使入內侍讀乃以馬懷素褚無量更日

侍讀

通鑑

十三年置集賢院侍講學士侍讀直學士

百官志

開元中王志愔表薦白履忠隱居讀書正苦守操堪代

褚無量馬懷素入閣侍讀

徐岱少好學多所探究侍

讀兩宮謹守過人

韋處義以穆宗沖怠不向學即與

路隋合六經撮其粹要題為六經法言二十篇冀助省

覽帝稱善 韋處厚路隋為侍講穆宗召入太液亭命
分講毛詩關雎尚書洪範等篇訪以理體處厚等演經
義以廣規諷之道 鄭澣文宗時為侍讀學士帝使搜
摭經史為要錄舉諸條摘問之隨即酌析無留 王起
文宗時侍講時或僻字疑事令中使口宣即以膀子寫
對故起著口宣十卷 文宗召王起許康佐為侍講學
士柳公權為書學士每有疑義即召入便殿顧問討論
謂之三侍學士

唐書

傳記馬懷素褚無量同為侍讀更番日入既叩閤肩舉

以進宮中每宴見帝目送迎以師臣禮

職林

集授道惟幄師範之功

贈司空臨晉侯冊

虎觀諸儒許丁鴻之

博學

唐制

詞賦成於鼓吹典墳富於泉海

馬懷素制

殿橫儒席

中宗哀冊

祇事穆宗侍經內殿敷堯舜之大典暢周禮之遺

風雅言玉音奧義氷釋

路隋制

本朝太平興國八年始因呂文仲為侍讀尋又為翰林侍讀咸平二年以楊徽之夏侯嶠為翰林侍讀學士邢

曷為翰林侍講學士始建學士之職

會要

景德四年以翰

林侍講學士邢曷知曹州侍講學士外使自曷始也天

禧三年張知白充翰林學士知天雄軍府翰林學士外

使自知白始也元豐官制廢翰林侍讀侍講學士以為

兼官元祐七年復增學士之號元符元年省去

續會要

明

道五年馮元侍講上金華五箴

本傳

趙元昊反罷追講趙

師民猷勸講箴至是復命講讀經史慶曆二年召御

史中丞賈昌朝侍講故事臺臣無在經筵者以昌朝長

於講說特召之

帝學

舊制坐而論道別置書冊於御前仁

宗富於春秋令儒臣立就御案便於指示神宗朝王安
石侍讀以為道之所存禮亦加重請復賜坐不行元祐
初程頤為侍講復請坐不從元祐間蘇頌為侍講請

遇不講日各進漢故實二事仍於逐事後畧論得失大

旨

呂氏家塾廣記

錢象先自講筵出知蔡州帝諭之曰大夫行

有日矣宜講徹一編元祐初將啓講筵宣仁諭執政

云啓與蔡卞皆少年宜用老成端士乃以彥博兼侍讀

四朝史 西學上賀玷侍臣之高選 奉天子五學之遊

日奉講幄 望西清之帷幄久立彷徨聽長樂之鼓鐘

恍如夢寢 日奉講帷 久視經幄 師氏之官職在

講說東坡儒學之臣入閣侍讀所以考質疑義南堂露門擬制

勤講賈昌朝制金華經幄曲阜周虎觀清閒之燕誦說古今

以廣見聞傅堯俞制

崇政殿說書

本朝景祐元年置四年改為天章閣侍讀慶厯二年復

為崇政殿說書

記分

蓋秩卑資淺則為說書不兼侍講元

祐間范純仁司馬公皆以著佐兼侍講前此所未有也

闕

中初除說書二人皆以隱逸起蔡密若璿詔以

士服隨班朝謁入侍

呂氏家塾記

賈昌朝為說書說講明白

昌朝請歲終以付史館熙寧中呂惠卿為說書召見奏

對引經稱旨

程頤名充崇政殿說書一日講罷未退

上忽起憑檻戲折柳枝先生進曰方春發生不可無故

摧折經筵承受張茂則嘗招講官啜茶觀畫先生曰吾

平生不啜茶亦不識畫竟不往文潞公嘗與呂范諸公
入侍經筵間先生講說退相與歎曰真侍講也

伊川
年譜哲

宗幼冲召程正叔為崇政殿說書正叔以師道自居每

侍上講色甚莊繼以諷諫上畏之正叔曰吾以布衣為

上師傅其敢不自重

言行
錄

哲宗嗣位召程頤將以為崇

政殿說書上奏論經筵三事其一以上富春秋宜選賢

德以輔講官因使陪侍宿直講說道義所以涵養氣質

薰陶德性其二請上左右內侍宮人皆選老成厚重之

人不使侈靡之物淺俗之言接於耳目仍置經筵祇應

內臣十人使上在宮中動息以語講官其三請令講官

坐講以養人主崇德重道之心既而命下以通直郎充

崇政殿說書

實錄

呂希哲字原明為說書凡二年日夕勸

導人主以修身為本修身以正心誠意為主心正意誠

天下自化不假他術身不能修雖左右之人且不能論

況天下乎

言行錄

景祐元年以賈昌朝為崇政殿說書昌

朝講說明白上喜之多所質問昌朝悉記錄歲終以付

史館

事畧

近制兼職雖宰相領國史實錄院勅令所玉牒

所降勅而已惟講讀官下至說書皆命詞給告可見崇

儒重道之典也

周益公文集

總九卿

史夏商九卿周六官是為六卿又立少師少傅少保是

為三孤與六卿為九

前漢百官志

後漢左雄言九卿位亞三

事班在六官行有珮玉之節

後漢書

三公比三星曰九卿

隋志

二千石以下六百石佩兩印皆以黑犀

司馬彪漢書

九卿

位為列棘

南史

齊侯使敬仲為卿敬曰羈旅之臣敢辱高

位以速官謗

史記

傳記長慶元年給事韋景封還駙馬劉士涇為太僕卿

制惟月膺名象河稱重

續通典

齊侯使管夷吾平戎于王

王以上卿之禮享管仲仲受下卿之禮而還

史記

集獻納開東觀君王問長卿

杜詩

卿月昇金掌王春度玉

墀

杜送馬大卿赴關

紈扇朱輪參差交映藻衣花綬焜燁生光

初學記

本朝雖設九卿皆以為命官之品秩而無職事元豐正名始有職掌中興以來冗職除太常寺大理寺不罷外宗正以太常兼而衛尉併兵部太僕併駕部太府司農併戶部光祿鴻臚併禮部紹興復置宗正太府司農餘遂廢

中興會要

太常卿

經有能典朕三禮僉曰伯夷汝作秩宗

書

大宗伯掌六

樂

周禮

史漢初置太常以列侯忠孝恭謹者居之秩中二千石

桓榮遷太常明帝尊以師禮乘輿每幸太常府令榮東

面坐設几杖會百官

本傳

和合為太常清貧守分至賣田

宅以自給明帝加賜穀帛

魏史

北齊趙彥深拜卿不脫朝

服先入見母跪陳幼小孤露蒙訓至此

北史

張奐拜太常

立節可否之間強禦不敢奪

漢書

劉愷論議常引正大義

諸儒為之語曰難經伉伉劉太常

後漢

傳記唐龍朔二年改太常為奉常咸亨復舊卿一人總

判寺掌禮樂郊廟社稷總太樂鼓吹太醫太卜廩犧諸

司廟等署

通典

趙君錫同知太常禮院時近臣有請祀英

宗於明堂配昊天上帝及五帝君錫與禮官建言請專

配上帝以稱嚴父之意

事畧

趙與為太常雖身處上卿而

布被瓦器

者舊傳

集太常卿位任特隆學冠儒林藝通禮樂者可以居之

職員

居九寺之先冠九列之首

六帖

氣貌神仙迥恩承雨

露低相門清議重儒術大名齊軒冕羅天關琳琅識介

珪通籍踰青瑣亨衢照紫泥

杜詩

寵新卿典禮會盛客微

文

白居易詩

正名推五字貴仕仰三珪

權德輿詩

平生秉周禮投

老奉龍旂

張文潛太常有感

本朝太常寺皆以禁林之長主判

續會要

中興併省寺監

獨存太常又命太常兼宗正紹興復

中興會典

隆興元年詔

光祿寺併歸太常寺兼領掌社稷及武成王廟諸壇齋

宮習樂之事丞一員罷

孝宗會要

太常總禮樂之政兼伯夷

后夔之事

趙君錫

討論故實已成綿蕞之儀

賡表類

太常少卿

經小宗伯中大夫二人

周禮

史後魏太和初置少卿一人唐貞觀置二人龍朔改為奉常大夫帝使少卿祖孝孫以樂律授宮中音樂伎不進數被讓王珪與溫彥博同進曰孝孫修謹士陛下使教女樂又責誚之天下其以士輕乎

通鑑

唐薛稷遷太常少卿會鍾紹京為中書令稷諷使讓因入言於帝曰紹京本胥吏無素才望今特以勲進師長百僚恐非朝廷

具瞻之美帝然之遂許讓中令

同上

傳記唐元儋景雲中授少卿行中以系出拓跋恨史無
編乃撰魏典二十篇學者向之有人得銅器似琵琶人
莫能辨行中曰此阮咸所作也雅樂家遂謂之阮咸

北史斛斯謚博覽羣書尤精三禮兼解音律自謂雅樂
廢謚博采遺逸始備又樂有鐔于者或自蜀得之皆莫

識謚見之曰此鐔于也

並職林

集帝命詩書將壇登禮樂卿

杜牧送崔少卿

響切晨趨佩煙濃

近侍香司儀六禮冷論將七兵揚合樂來儀鳳尊祠重

飮羊卿材優柱石公器擅巖廊

柳子厚

素尚寧知貴清談

不厭貧

溫庭筠詩

奉常之職非特以治郊廟之度服器之數

而已國有大政事大議論必稽焉

鮮于侁可詔

立國之本禮

樂為先今之太常實兼其職守茲職者不亦重乎歷代

迄今謂之清選

職林

本朝少卿無職事以為階序品秩元豐正名始有職掌
元祐元年呂純禮為少卿御史論門蔭得官不可任奉

常於是外補

續會要

中興建炎三年詔太常少卿負魚宗

正少卿

中興會要

寺丞

史奉常秦官有丞漢多以博士議郎為之後漢諸丞皆

掌行禮及祭祀小事總署曹事皆銅印墨綬歷代皆有

唐因隋太常丞從五品下凡享太廟則修七祀於兩門

之內分判寺事

通典

韋宏為丞父賢以宏當嗣太常職掌

陵廟煩劇多過教宏自免懷嫌不去官及賢疾篤宏坐

廟事繫獄

漢書

傳記太常丞視尚書則銅印黃綬一梁冠

宋百官春秋

晉宋

九卿置丞進賢一梁冠介幘衣皂文

唐天后時李嗣

真聞東夷三曲一遍授胡琴彈之無一聲遺忘

並職林

陶

覆之凡宗廟疑義多所決定時人為之語曰定禮決疑

問陶覆之

陶氏家傳

集臨風曲臺淨對月壁池寒

惟德與詩

暫輟清齋出太常重

攜詩卷赴甘棠

劉禹錫詩

五兵不用百度載光誕敷文教式

奏薰弦命太常以修樂將享帝而配天六變而天神可

禮九成而帝德惟休

唐馬周

本朝皇祐中詔差禮官一員兼丞事李泌之請也建炎

三年省丞紹興三年復置 范希純為太常丞舊制太

廟薦享逐室設席食一牙盤元豐四年奏罷之希純奏

請復舊制易其名曰薦羞

事

陳文惠公堯佐居官不妄

進取屢為太常丞十三年不遷

言行錄

寺簿

傳記主簿漢有之鹵簿之制太常駕四馬主簿前八乘

魏晉亦有之唐置二人掌付事勾稽省置抄目監印給

紙筆等事餘寺主簿並同廳

通典職林

龍溪除蘇良治簿領

雖卑然隸於太常與間禮樂之事非他官比也

職畧

集間道甘泉能獻賦懸知獨有子雲才

王維和太常韋主簿詩

曲

臺簿正多廊廟西府璇樞第一人

詩集

本朝皇祐中宋祁乞增置一員勾檢在寺文書及掌出

納遂除胡瑗後詔更不置元豐正名初除王子琦

職畧

李

浩除太常寺簿輪對陳無逸之戒且論宿衛大將恩寵
太過高宗感其言宿將旋就第自檜扼塞言路士風寢
衰至是與王十朋馮方查籥胡憲始相繼有所開陳號
五賢間者興起太學之士至為五言詩以述其事

言行錄

籍田令

經春籍田而祈社稷也

詩序

甸師帥其屬以掌耕耨也

周禮

史周為甸師漢文帝感賈誼之言始開籍田置令丞掌
耕國廟社稷之田春始東耕於籍田祀先農大賜三輔

二百里孝弟力田三老帛種百穀收萬斛立為籍田館

穀皆以給祭天地宗廟羣神之祀

漢書

傳記晉武置籍田令江左省宋元嘉中又置

通典

集帝籍開千畝農功先九州王孫守耒耜吏隱極風流

黃山谷規地餘千畝三推示勸耕廩犧猶故宇潑麥有新

楹日至土膏動雪消泉脉生城中若羈束野徑得閒行

蔣之奇

本朝元豐三年詔籍田令隸太常寺

續會要

渡江初闕紹

興十五年初除康與之為籍田令三十一年詔田籍司

權罷官吏並罷後復置

中興會要

宗正卿

史劉向蕭望之薦向宗室忠直明經有行拜為宗正

漢書

劉般在朝竭忠盡節夙夜不怠拜宗正

同上

晉羊祜忠厚

篤重然不長於理劇宗正卿秩不知可轉作否

晉書後魏

世祖謂崔浩曰天下諸社何處最欲取一人以為宗正

浩曰中書博士杜銓合為諸社之最即命名之既見銓

器貌瓌雅世祖謂浩曰此真吾所欲也以為宗正魏史唐

宗室司訓棄官中宗即位以耆舊擢為宗正卿唐書

傳記秦置宗正掌親屬漢因之以叙九族唐武德置宗

師龍朔改曰司宗開元二十五年置宗正寺官屬皆以

皇族為之通典宗正星在帝座之東南職林宗正寺卿一人

少卿二人掌天子族親屬籍以別昭穆通典

集丈人領宗卿杜甫詩宗正為冷卿東坡詩魏巍帝堯欽親

九族經哲宗伯禮為攸訓屬有攸籍各有胄子世以不

錯伯臣司宗敢告執政

揚雄宗
正箴

本朝宗正寺判寺事二人以宗姓兩制以上充闕則以朝官以上知丞事掌奉宗廟諸陵薦享之事司皇族之

籍

職略

建炎三年九月宗正殿曰玉牒殿堂曰屬籍堂

會要

宗正少卿

史後魏太和中初置宗正少卿北齊亦然隋皆有

職官

唐

李漢為少卿通古博學屬辭雄蔚

唐史

本朝祥符中給舍以下無少卿元豐始正名焉中興罷

寺監詔太常少卿兼宗正少卿紹興三年復置少卿

六典

宗正寺丞

史秦宗正掌親屬有丞漢用皇族後漢一人劉茂為宗正丞歷代皆有之隋有二人唐一人掌判司事

通鑑漢劉

德召見甘泉宮武帝謂之千里駒昭帝時為宗正丞復

為卿

漢書

集清時為丞郎氣力侔陶鈞

劉禹錫

本朝元豐五年正名初除趙君錫明年以楊畏為宗正

寺丞詔宗正寺除長貳外自今後更不專差國姓續會要

建炎三年罷紹興五年復置

中興會要

宗正寺簿

傳記梁天監七年置北齊隋皆有唐因之通典主簿一人

掌印及勾檢稽失分紀開元加一人並於宗室中擇才行

者補受六典

本朝天禧改元以衛尉丞趙鼎兼宗正寺簿元豐正名

初除楊完職略元祐元年宗正寺言既許主簿通管寺事

竊恐亦合依太常寺國子監例正通管雜務其編纂圖書乞依舊例丞專修從之

會要

大理卿

經帝曰臯陶汝作士五刑有服 帝曰臯陶惟茲臣庶罔或干於正汝作士明于五刑以弼五教

書

史秦置廷尉掌刑辟有正左右監漢因之景帝更名大理武帝復為廷尉宣帝置左右廷尉平哀帝復為大理卿于定國父于公其門閭壞父老方與共治于公曰可

高大其門令容駟馬高車我治獄多陰德子孫必有興

者至定國為丞相于公為郡曹決獄稱平

漢書

于定國為

廷尉其決獄平反務在哀鰥寡加謹審之心朝廷稱之

曰張釋之為廷尉天下無冤民于定國為廷尉民自以

不冤當漢張釋之為廷尉周亞夫見釋之持義平乃

結

為親友由此天下稱之

前漢書

漢宣帝路溫舒為廷尉吏

上言秦有十失其一尚存治獄之吏是也

同上

王殷為大

理務在寬恕與鍾繇以治獄見稱

魏志

傳記大理古官也舜命皋陶作士正五刑 隋為大理

寺唐因之卿一人少卿二人龍朔二年改為詳刑寺咸

亨復

職略

孔坦遷廷尉卿獄多囚繫坦到官躬執辭狀口

辯曲直每臺司錄獄無所顧問皆面決當時之事

初學記

鄭善果為大理卿奉法持正風稜顯於公卿 范說為

卿持法明審

並職林

集上卿才大名不朽早朝至尊暮求友

高適晏大理寺卿

憐君

獨守廷尉法知君決獄有陰功

蘇東坡送蔡冠卿

恩霑庶類道

格立功化覃於萬國之間苛慝不作鳥巢於園扉之內

圜圉知空足驗時清可知刑措

韓絳賦

蒼鷹莫鷙寧懷獄

吏之憂踈網無冤豈有虞人之懼

同上

本朝大理寺以朝官一員或二員判寺官一員兼少卿
事建隆二年以工部尚書竇儀判寺事

會要

太和四年大

理卿崔杞奏大理寺卿陛下守法之司卿設官之重搖

動若朝示而暮改同罪而異刑則人何所措其手足哉

續通典

以五聽察其情氣色視聲辭以三慮盡其理明謹

以獻疑獄哀矜以去冤獄公平以鞠庶獄

六典

少卿

史開元初班景倩自揚州採訪使入為少卿過州倪若水餞於郊顧左右曰班公是行若登仙吾恨不得為騶未幾入為戶部韓瑗武德初為大理少卿受詔掌定

律令瑗言於高祖曰官吏至公自當奉法高祖然之於

是採定開皇律

並唐書

唐太宗謂侍臣曰大理之職人命

所懸當選正人用心存法無過戴胄者乃以為少卿

唐書

唐孫伏伽為少卿帝數出馳射伏伽諫之

唐史

傳記後魏置少卿北齊及隋因之唐置二人

六典

唐徐有

功轉司刑少卿皇甫文備誣有功縱逆黨久之文備坐

事下獄有功出之或曰彼嘗陷公於死今生之何也對曰

爾所言者私忿我所守者公法不可以私害公

白帖

集佐棘竟誰同因思證聖中事雖無復報理合有陰功

韓詩

居屈亞卿未副羣情

韓文

本朝以朝官一員兼少卿事神宗置大理獄少卿二員

以蹇周輔楊汲為之分左斷刑右治獄

四朝志

建炎中興

省大理卿而少卿二員如故

中興會要

仁宗時陳大素權大

理少卿又判大理寺號為明習法令

長編

參典之官貳正

之選

南豐擬制

大理正

經成獄辭吏以獄成告於正正聽之

禮記

史秦置廷尉正一人漢廷尉正監及平謂之廷尉三官

秩千石

職官分紀

宣帝間黃霸持法平易為正數決獄廷中

稱平

漢書

晉顧榮以南土秀望累遷廷尉正

晉志

正志暗為

大理正奏言法令者人之隄防不立則人無所禁竊見大理官負多不奉法以縱罪為寬恕以守文為苛刻遂

上應正論以見志

唐書

大理正掌參議詳正科條之事

唐志

傳記龍朔改為詳刑大夫光宅中為司刑正後復故掌

議獄正科條凡丞斷罪有不當者則以法正之

唐紀

視南

臺持書以為晉制

通典

天陰雨比干夢貴客車騎滿門覺

以語妻語未已有老嫗謂比干曰公有陰德今天賜君

策因出懷中符策狀如簡長九寸凡九百九十枚以授
比干子孫佩印綬者當如此自汝陰徙平陵代為名族

何氏
家傳

集古風真往哲雅道濫朝聞活獄威豪右銷時賴典墳

垂銀棘庭印持斧栢臺綱

范成送大理
正攝御史詩

本朝神宗復置大理獄後置寺正元豐五年刑部奏乞

分評事司直與正為斷司丞與長貳為議司凡斷案先

上正看詳當否論難改正然後過議司覆

續會
要

建炎併

省斷刑治獄寺正各置一員中興會要范旻判大理正事持

法平允

太宗實錄

正於理官參贊為正

南豐陳林純制

司直

史唐王祚為司直馳傳決獄所至仁平

唐書

傳記後魏永安三年高穆奏置司直十人位在正監上

不署曹事惟覆理御史檢劾事

六典

司直凡承制而出先

請魚書以往

白帖

司直凡大理斷獄皆連署

同上

集清絕間詩語疏通豈法流傳家有衣鉢斷獄盡春秋

東坡

不耻青袍故尤宜白髮新

李嘉祐送韋司直

驛驢事天子辛

苦在道路司直非冗官荒山甚無趣

杜甫

本朝熙寧中置大理寺獄至元豐五年始命程嗣先四

人為司直

續會要

建炎三年詔斷刑司直兼治獄司直其

治獄司直罷

中興會要

評事

史漢宣帝地節三年初于廷尉置左右平負四人

漢書

宮行能高潔遷廷尉平

漢書

漢宣帝詔曰吏用法巧文滋

深其為置廷平務平之於是選用于定國黃霸等

同何

攀上便宜十事除廷尉平

晉史

唐姚正操云自餘以評事

入臺後相繼不絕韓琬以為不然自則天好法刑曹望

居九寺之首以此評事多入臺迄今為雅例

唐志

傳記魏晉以來無左右而直謂之廷尉評隋置大理評

事

六典

唐貞觀二十二年褚遂良議重法官奏置評事十

貲掌出使推覆後加為十二貲

通典

王敬由為評事奉使

河南叱咤風生到廣陵訪裴謚謚曰評公使車留此一

宿得無驚郡將乎

廣記

漢公孫弘舉何比干為廷尉右評

獄無冤民號曰何公

三輔決錄

寺簿

史陳希點為太學博士遷大理寺簿人為之憤然公忻然就職素不讀律而原情引經法家自以為不及

本傳

傳記晉初置廷尉主簿

六典

後齊九寺各有主簿唐置二

人掌印省置抄目勾檢稽失

同上

薛季宣為大理主簿是

歲江湖大旱流民往往北渡江邊吏復秦淮民多歎塞

者遣公行淮西收以實邊公持節勞來

呂東萊集

集法吏多少年磨淬出角圭將舉汝愆尤以為已階梯

韓愈

本朝元豐正名初除二貲建炎三年省後復

中興會要

司農卿

經太府掌九賦九貢

禮

史秦為治粟內史主穀貨韓信歸漢為治粟內史即其

任也景帝更名大農令武帝太初更名大司農

漢書

魏梁

習為并州二十餘年政治為天下最名拜大司農魏志鄭

當時為大司農門下客亡貴賤亡留門者山東諸公翕

然稱鄭莊武帝曰吾聞鄭莊行千里不齎糧漢書朱邑治

行第一為大司農居處節儉漢書後漢鄭眾為司農在位

以清正稱趙典為大司農閉門却掃非德不交並後漢書

傳記少皞氏以九扈為九農正通典唐有司農卿一人少

卿二人龍朔二年改為司稼咸身復卿掌邦國倉儲委

積之事通典年融為大司農性明達稱為名卿東觀漢記陳寵

為廣漢太守風聲大行入為大司農

張播記

唐杜中立遷

司農卿初度支度六宮餐錢移司農季一出付吏大吏盡舉所給於人權其子錢以給之既不以時黃門來督責慢罵中立取錢納帑舍率五百一出吏不得為奸遂

以為法

唐書

集以清明之德掌周稷之粟國有九列而司農氏居其一焉前代非牟融之循理康成之儒學不作茲選假以

秩崇之榮用制國衆之重

裴司農制

本朝司農寺判寺事二人以兩制或朝官以上充熙寧二年立常平斂散法三年詔以新法付司農寺而農田水利免役保甲等法悉自司農講行建炎三年詔罷司農寺紹興四年復置司農寺卿少各特置一員

中興會要

少卿

史後魏北齊司農寺置少卿隋唐因之

職官

唐韋機拜少

卿有官者於苑中犯法機杖而後奏高宗嗟賞賜絹數

十足

唐書

韋機受詔檢授東郡營田苑囿之事高宗謂之

曰宮館隋代所造漸將摧毀頻修費財力如何機奏曰
臣任司農向已十年前後省費今見貯錢三十萬貫可
以供葺理上悅

同上

本朝元豐間置少卿為卿之貳建炎三年省紹興四年
後置司農卿少各一員

中興會要

熊本判司農寺丞神宗曰

熊本不傷財不害民一旦去百年之患檄奏詳明可嘉

也

東都事畧

寺丞

史秦治粟內史有兩丞漢司農丞亦二人或謂之中丞
耿壽昌為大司農中丞奏設常平倉給北邊省轉運又
桑弘羊為大司農中丞管諸會計事 唐有丞六人掌
判寺事凡天下租稅及折造轉運於京師皆閱而納之
以供國用以祿百官

百官志

本朝呂惠卿請置司農寺丞一員熙寧五年增置丞四
員元豐四年舒亶請止留丞一員餘並罷

續會要

建炎二

年詔罷司農寺紹興三年復置寺丞二員

中興會要

寺簿

傳記晉太康中置主簿一人自後無聞梁陳又有北齊

亦然唐主簿二人掌印署抄目勾檢稽失出納

通典

本朝治平中已置主簿熙寧新法行詔增置一員五年

增至四員後又置六員

續會要

建炎三年罷司農紹興十

年復置

中興會要

太府卿

史太府之職以二法平物一曰度量二曰權衡

唐百官志

李

製譽召為太府為人嚴慤以威肅聞

本傳

楊崇禮開元為

少卿雖錢帛充牣丈尺皆躬自省閱時以為前後無與

為比擢拜太府卿

本傳

傳記周官太府下大夫掌九貢九賦之貳九功受其貨
賄之人頒其貨於受藏之府秦漢以下不置唐初置之

龍朔二年改太府為外府正卿咸亨復楊國忠判度支

玄宗觀左藏庫喜其財幣山積面賜國忠金紫權太府

卿國忠專於左藏府而太府四時以數聞

通典

集領貢獻於四方杜彼虛耗掌財用於五庫職有司存

白樂天

居監臨之官典出入之務

同上

會帑藏出入之要修

權量平校之法

同上

本朝太府寺判寺事一人以兩制或帶職朝官充凡財

貨廩藏貿易四方貢賦百官俸秩皆隸三司本寺但掌

供祠祭香帛悅巾神位席及造斗秤升尺而已元豐改

制始正職掌

四朝志

財賦掌於他官而太府司其出納非

明於金谷之要不在茲選

南豐集

少卿

史後魏孫詔為少卿帝問卿何年老對曰臣年雖老臣

節尚少

北史

尹思貞為司府少卿時侯知一亦厲威嚴吏

人為之語曰不畏侯卿杖惟畏尹卿筆

唐書

傳記後魏孝文帝改少府為太府置少卿一人北齊因

之隋煬帝加至二人唐減一人貞觀初龍朔咸亨光宅

神龍並隨寺改復

六典

集出納之地眷求惟精兼領三尚之班以榮四至之列

白樂

天制

本朝太府寺同判寺一人以京朝官充元豐正名置少

卿一人以為卿之貳元祐三年詔太府長貳並置餘則

否

續會要

建炎中興省紹興四年復

會要

九賦領受之政百

貨貿遷之法典領之任位次列卿

南豐集

寺丞

傳記丞於周官為太府上士之任梁選部太府丞一人

陳因之後魏亦一人後周曰太府上士隋又曰太府丞

六人唐四人

通典

太府掌邦國之出入而丞屬分治衆務

職略

本朝元豐改制置丞二人元符中增一員宣和中省一

員紹興三年詔復置

會要

太府受邦國之出入而設丞屬

俾預叅贊欲勝是任必惟其人

國朝制

寺簿

傳記主簿亦周太府下士之任梁置一人陳因之後魏

一人隋四人唐二人掌印省署抄目勾檢稽失

通典

本朝元豐改制置主簿二人

續會要

建炎三年罷太府寺

紹興十年復置

中興會要

光祿卿

史光祿寺卿一人從三品少卿二人從四品

百官志

龍朔

二年改光祿寺曰司宰寺光宅元年曰司膳寺

同杜林

為光祿勳內奉宿衛外總三署周密敬慎選舉稱平

漢書

王肅為光祿勳時有魚集武庫肅辨之曰魚生於泉而見於庫失其所也邊將殆有棄甲之變後果有東關之

敗

魏志

傳記光祿卿漢官也齊職儀云初秦置郎中令掌宮殿門戶及主諸郎之左殿中侍衛故曰郎中令漢因之至武帝更名光祿勳至梁加卿字

初學記

孫湛為光祿以清

廉見稱

東觀漢記

集經兆宮室畫為中外廊殿門閭限以禁衛

楊雄光祿歲

德

人立朝義士充庭祿巨司光敢告執經

同上

本朝光祿寺判寺事一人以朝官以上充元豐官制行

置卿少卿丞主簿各一人中興後廢光祿併入禮部

通考

太僕卿

史太僕寺卿掌廄牧輦輿之政總乘黃典廄典牧車府

四置及諸監牧行幸供五路屬車

百官志

永徽中太僕司

曰司馭光宅元年改曰司僕寺

同上

夏侯嬰為沛公太僕

常奉車嬰自上初起常為太僕竟高祖以太僕事惠帝

高后

漢書

石慶為太僕御出上問車中幾馬慶以策數馬

舉手曰六馬慶於兄弟中最為簡易而猶如此

同上

晉郭

展為太僕心精於養畜是以馬充盛其後伐吳得以濟

事

晉史

傳記太僕周官也秦因之掌輿馬歷漢後魏及晉兩朝

咸置之

初學記

穆王命伯冏小大之臣咸懷忠良其侍御

僕從罔匪正人

外記

後漢祭彤字次孫膂力過人入為太

僕從上至魯昭帝入孔子廟至子路室曰此太僕之室

也太僕吾之禦侮

東觀漢記

集周用忠良任先伯冏漢推廉正選在萬年守清近之

臣居僕御之任

白樂天

朝欽厥庸出尹京畿迴授太僕四

牡駢駢騶耳盈箱翠華歲黜勲齊庭實增國之輝

楚獮

本朝太僕寺判寺事一人以朝官以上充凡邦國廄牧

車輿之政令今分隸郡牧司騏驥院諸坊監本寺但掌

天子五輅屬車后妃王公車輅給大中小祀牛羊

通考

鴻臚寺

史鴻臚寺卿一人掌賓客及凶儀之事

百官志

漢郭況為

鴻臚上數幸其宅飲酒賞金帛甚豐京師號況家為金

穴

漢書

劉義節為鴻臚卿時傾府庫為軍賞帑財大乏義

節曰今京師屯兵多樵貴帛賤若伐街苑樹為薪以易

布帛歲數十萬可致

唐史

郭晞為鴻臚卿河中軍亂父子

儀召首惡誅之其支黨猶反及晞選親兵巡警以備非

常奸人不得發以功拜殿中監

本傳

傳記鴻臚卿漢官也周禮大行人掌賓客及諸侯朝覲

事即其任也漢因之景帝更名大行令武帝改曰大鴻

臚

初學記

韓宣為大鴻臚始南陽曲阜韓暨以宿德在宣

前為大鴻臚及宣在官亦稱職故鴻臚中為之語曰大

鴻臚小鴻臚前後治行相何如

魏略

集漢尚勲賢寵崇郭況魏惟恒准選在崔林況當柔遠

之朝宜遵典屬之任

白樂天

大小上下不可奪倫鴻臚司

爵敢告在隣

揚雄鴻臚箴

本朝鴻臚寺判寺事一人以朝官以上充凡四裔朝貢

燕享迎送之事分隸國信所都亭懷遠驛禮賓院本寺

但掌祭祀朝會喪葬之事中興後併廢入禮部

會要

記纂淵海卷三十一

欽定四庫全書

記纂淵海卷三十二

宋 潘自牧 撰

職官部

祭酒

經帝曰夔命汝典樂教胄子

書

史漢置博士至東京凡十四人而聰明有威重者一人

為祭酒

漢書

晉咸寧四年立國子學置祭酒一人永嘉中

又置儒林祭酒一人以杜夷為之當為訓範總統學中

衆事

晉書

荀卿年五十始來學於齊襄王時最為老師三

為祭酒焉

史記

南齊何胤為國子祭酒與太子中庶子王

瑩並為侍中時胤輩作祭酒疑所服陸澄博古亦不能

定遂以玄服臨試後羣議乃用朱衣自此始

南史

晉袁瓌

為國子祭酒時喪亂之後禮教陵遲瓌上疏云請得給

其宅地備其學徒帝從之國學之興自瓌始

晉史

傳記隋元善賜江楊縣公後遷國子祭酒時帝親臨釋

奠命善講孝經於是數陳義理兼之諷諫上大悅曰聞

江楊之說更起朕心

續通典

唐賀德仁少與從兄德基俱

為國子祭酒時人語曰學行可師賀德基文質彬彬賀

德仁 楊嶠為國子祭酒引尹知章范行恭趙玄默為

學官皆名儒冠

並同上

楊汪為國子祭酒帝令百僚就學

與汪講論通儒碩論雖鋒起皆不能屈

陳先生行狀

集冠帶橋門路雍容俊士闕微言尊噩噩小道屏間間

禮樂高千古詩書到百蠻斯文知未泯璧水尚如環

朱行

中幾度見詩詩總好及觀標格過於詩平生不會藏人

善到處逢人說項斯

楊祭酒詩

聖恩若許留太學諸生講解

得切磋

韓愈

本朝國子監有判監事有管勾監事侍制以上則為判

餘為管勾

會要

熙寧初詔用經術取士廣闢黌舍分為三

學增置生徒總二千八百人朝廷育才於斯為盛

續會要

及元豐中復正官名置國子監祭酒掌三學之教法政

令

同上

楊龜山兼國子祭酒上喜曰老成無逾卿者

言行錄

馮元仁宗朝判國子監故事國子監必宿儒典領元與

孫奭並命輿論大服

東都事略

國子司業

史唐陽城為司業直言得罪太學諸生何蕃李儋等二

百人頓首闕下請留城

唐書

孔穎達子志終志終子惠元

三世司業時人美之

並唐書

張參為國子司業年老嘗手

寫九經以為讀書不如寫書

唐史

韓愈為國子司業竇公

墓誌云公誨於國學也嚴以得禮扶善遏過明上下之

分以躬先之恂恂愷悌得師之道

同上

郭山暉累遷國子

司業景龍中帝昵狎近臣及修文學士詔徧為伎餘臣
各有所陳而暉乃誦鹿鳴蟋蟀篇未畢中書令李嶠以
近規諷止之帝嘉其直下詔褒唐書凡六學生每歲有業
成上於監者以其業與祭酒司業試之隋志

傳記隋煬帝大業三年於國子監初置司業一人唐置
二人從四品副貳祭酒通判監事龍朔二年改為少司
成咸亨初復舊凡祭酒司業皆儒重之官非其人不居
通典唐陽僑為國子司業好學喜勤善誘後生修講舍人

以為善職

分紀

陽城引諸生告之曰學者所以學為忠孝

也諸生有久不省親者乎明日還養者二十輩有三年

不歸侍者斥之簡孝秀德行升堂上沈酗不率教者罷

之生徒斤斤皆有法度

通典

集才難孰為吾君惜果漏寧容我輩先熟路長驅聊緩

步百金一發不虛弦

陳後山送
唐司業詩

命樂正之官輔司成之

教往祇厥職毋使陽城韓愈之流專美前世

樂城徐
盛喬制司

業武公少儀於是總太學儒官三十有六人列燕於祭

酒之堂

韓文公
聽琴序

本朝元豐正名置司業掌三學之教法政令

續會要

初除

朱服

職略

建炎三年省紹興十二年復置

中興會要

隆興併省

司業不許與祭酒並除乾道七年欲除劉焞孝宗曰司

業乃祭酒之貳並置何妨於是始並置

孝宗會要

師氏之位

惟其能

南豐擬制

王大寶知袁州暇日尋理舊所著述得周

易證義十卷毛詩國風證義六卷表進上謂宰相曰王

大寶所進書深得經旨其以國子司業兼崇政殿說書

召賜五品服

胡澹菴集

監丞

傳記隋置三人唐一人掌判監事凡六學生每歲有業成上於監者以其業與司業祭酒試之登第者白祭酒

上於尚書禮部

六典

集設屬成均參釐政令庶事之務惟丞是司

胡端平制

靈臺

崇崇兮洞膠轕以綿延中有珍木兮鬱森森以芊芊

王履

員賦學為教原丞為糾局生於學者表王化之大同植於

廳者知官政之無曲 樂我皇道彰我聖年依君仁義

之圃對君翰墨之筵

並同上

本朝景祐二年孫祖德請於直講京官內差一員充監

丞詔學官兼領掌錢穀出納之事

四朝志

元豐定制置祭

酒司業掌三學之教法政令而監之事則丞與焉

續會要

建炎三年省紹興十二年復置

中興會要

趙鼎先是國子監

丞張戒上書幾八千言自謂恐聖意上謂宰執曰朕熟

覽之其憂國愛君之心誠可嘉朕大開言路以防壅蔽

自欲賞之趙鼎不答沈與求曰陛下如此何患不聞盡

言

言行錄

博士

史六國時有博士掌通古今後漢博士凡十四人叔孫

通為博士初制漢禮

漢書

賈誼頗通諸書召為博士

同上

董

仲舒為景帝時博士下帷講誦三年不窺園非禮不行

漢紀

漢賈誼年二十餘文帝召為博士年最少有詔議諸

先生未能言誼盡為對人人各如其意所出諸生於是

以為能文帝悅之超遷一歲至太中大夫

漢書

後漢朱浮

以國學既興廣博士之選上書曰博士之官為天下宗

師使孔聖之言傳而不絕

本傳

後魏崔逸為國子博士每

公事逸常被詔獨進博士特命自逸始

魏史

唐李絳請崇

國學上疏曰博士有倚席之譏

唐書

傳記晉咸寧四年初置國子博士一人皆取履行清淳

通明典義梁置五經博士各一人唐增置二人孔子之

後孔忠生武及安國武生延年延年生霸安國延年皆為

武帝博士霸亦昭帝末為博士霸生光成帝初舉為博士漢文帝時申公為詩最精以為博士申公為詩傳號曰魯詩京房受易梁人焦延壽房授東海殷喜河東姚平河南弘乘皆為郎由是易有京氏之學

魯國先賢傳

漢文

帝時博士朝服玄端章甫冠

通典

唐蓋文懿武德初歷國

子助教時高祖引於秘書省學教授王公之子時文懿為博士文懿常開講發毛詩題公卿咸更相問難文懿發揚風雅甚得人之致敬唐大歷初禮部侍郎許善

心舉徐文遠與包愷褚徽陸德明魯達為學館遂擢文

遠國子博士愷等並為太常博士皆一時之最

唐書

集諸公袞袞登臺省廣文先生官獨冷甲第紛紛厭梁

肉廣文先生飯不足先生有道出羲皇先生有才過屈

宋德尊一代常坎軻名垂萬古知何用先生蚤賦歸去

來石田茅屋荒蒼苔儒術於我何有哉

杜甫詩

儒庠恣游

息聖籍飽商確

韓詩

本朝國子監無博士有直講八人熙寧改為太學博士

元豐定制亦無國子博士大觀元年薛昂乞置國子博士四員國子正錄各二員與太學官分掌教道從之建炎併國子監於禮部紹興三年詔駐蹕所在因國子監量養生徒置博士二員

中興會要

楊萬里詔為國子博士上

疏乞留左司員外郎張栻除軍器少監韓玉上罷之由

是名重朝廷

言行錄

太學博士

史漢太學置五經課試之法置春秋穀梁博士

漢官儀公

孫弘對策時百餘人太常奏弘第居下天子擢為第一
召見容貌甚麗拜為博士待詔金馬門光武起太學博
士諸生橫卷為海內所集 桓榮拜博士車駕幸太學

博士論難於前榮溫恭蘊藉以禮遜相厭不以詞長勝

人並漢書

王恭少篤學教授鄉閭弟子數百人貞觀初詔

拜太學博士講二禮別為義證甚精博蓋文懿文達當

時大儒每講便舉先儒義必暢恭所說

唐書

樂祇黃初中

徵拜博士十餘人文多偏僻不敢親教具員而已惟樂

祇五業并授

魏志

唐鄭覃既以名儒故領祭酒請太學五

經置博士祿秩比王府官

唐書

傳記東晉增置國子博士十六人謂之太學博士北齊

國子寺有太學博士隋罷國子惟立太學置博士五人

唐增置三人掌教六武五品以上郡縣公子孫

六典

馬光

為太學博士嘗因釋奠高祖親幸國子學王公以下畢

集光升坐講禮諸儒生以次論難皆當時碩學光析剖

凝滯論者咸服

通志

唐韓愈為四門博士作進學解招諸

生立館下誨之

同上

集才名十四年坐客寒無種賴有蘇司業時時遺酒錢

甫飄飄凌雲章強禦莫能懾辟雍海環流用汝作舟楫

開胃出妙義可發蒙起魘詞如太阿鋒誰敢觸其缺

王荆

公半生湖海看青山慣佩苓箬攬轡艱曉起初馳朱雀

路霜嚴慙綴紫宸班百僚卑處瞻丹陛五色光中望玉

顏浪說書名落人世非公那解徹天關

元章除書學博士初朝謁呈時

詩宰仁義途中馳騁詩書府裏從容頭角驚殺蝦蟹學海

波中老龍爪距逐出狐兔聖人門前大蟲推倒楊朱墨

翟扶起仲尼周公

杜默

本朝熙寧四年詔相度錫慶院建太學從鄭綰所請也

元豐三年詔改國子監直講為太學博士

職源

秦觀元祐

初蘇軾賢良方正薦於朝除太學博士

東都事畧

淳化三年

楊徽之上言文士雖多而通經甚少精選五經博士各

專業教胄子此風化之本也慶歷五年上幸國子監命

直講孫明復講易乾卦言王者當法乾元以攬威福漢

元帝優游不斷失乾剛之道也上善之賜五品服

國史

國子正

傳記北齊國子寺有正錄員隋一人唐因之

六典

集禁掖人知連狀薦國庠官滿一家貧清儀都道蓬瀛

客直氣堪為諫諍臣

釋無可贈
敬睦助教

本朝國初闕大觀元年薛昂乞置國子博士國子正錄
與太學官分掌教導從之自是始置正錄凡二員學正
掌行學規凡諸生之戾規者待以五等之罰學錄掌佐

學正糾不如規者

續會要

建炎三年國子監並歸禮部官

省紹興十三年詔置國子監正錄各一員隆興元年復

置二員

中興會要

太學正

傳記北齊國子寺有錄事員隋一人唐因之

六典

集重登太學領儒流學海詞鋒壓九州

王建上
韓愈詩

本朝仁宗朝胡瑗掌太學其正錄第補諸生熙寧末興

三舍始選官為正錄如學官之制

職畧

凡有職于成均皆

士之秀

樂城除
游酢制

國子監簿

傳記北齊國子寺置主簿隋一人唐因之掌印勾檢監

事凡六學生有不率師教者則舉而免之

六典

集忽領簿書游太學時楊書為國子主簿也

劉賓客

列廣

成均典司簿最

除徐永制

本朝國子監主簿一人以京官或選人充掌文簿或勾

考其出入焉

兩朝志

元豐元年詔省主簿三年罷書庫官

後置主簿

續會要

郭忠恕太宗聞其名詔為國子監主簿

令刊定字書

東都事略

韓維仁宗患縉紳奔競諭近臣曰恬

退者旌擢則躁進者自知恥文彥博等言公好學嗜古

安於靜退乞甄錄以厚風俗除國子監主簿

言行錄

國子書庫官

本朝淳化五年判國子學李至言監中印書亦主掌錢物凡有公文其所屬止以印書錢物所名稍為近俗今乞改國子監書庫官從之

太宗實錄

書庫官以京朝官充掌

印經史羣書以備朝索賜予之用及出鸞而收其直以

上於官元豐三年省

續會要

建炎三年並國子監歸禮部


管紹興十三年詔復置一員三十一年減罷

會要

隆興元

年詔主簿魚書庫乾道七年復置一員

孝宗會要



記纂淵海卷三十二